

Èkwo-ozì, Pòlu Deru Nù Fayilimõnu

¹ Ọo mbèdua, bụ Pòlu ono, e gude k'iswi ẹhu Kéreshi Jizọsu tụa mkpọro ono bẹ mu lẹ nwanna anyi, bụ Timoti gba mgba ede ẹkwo-ozì-a. Onye anyi edekpọo ya anụ bụ gube onye ono, anyi yeru obu, bụ Fayilimõnu, anyi lẹ ngu tukuru ejeru Kéreshi ozi ono. ² Anyi edekwa iya pọ anụ gụ lẹ Apfiya, bụ nwune anyi kẹ nwanyị yẹ Akiposu, onye anyi l'iya tukuru alwụ ọgu ẹhu Kéreshi; bya edekwa iya pọ anụ iphe, bụ Chiochi ono, edzukọbeje l'ulo ngu ono.

³ Gẹ Chileke, bụ Nna anyi yẹ Nnajiuphu, bụ Jizọsu Kéreshi meeru unu eze-iphe-oma; mekwaaphọ g'unu buru guu.

Pòlu l'ekele Chileke ekele ẹhu Fayilimõnu

⁴ Mu anọduje ekele Chileke ono, mu ejeru ozi ono ekele iphe, bukpuo tekenteke, mu epfu anụ iya l'iswi ẹhu ngu. ⁵ Noo lẹ mu anụ l'i yekotaru ndu-nsọ obu g'ẹphe ha; bya anukwapho g'ị nọshiberu ike l'ẹka Nnajiuphu, bụ Jizọsu. ⁶ Iphe, mu anọduje epfu anụ Chileke bụ g'o mee g'i gude ekweta ono, ị kwetaru ono mee gẹ gụ lẹ ndu ọzo tughba buru nanụ ọkpobe aburu; mbụ iphe, bukpuo ndu ono, woru onwophẹ ye Nnajiuphu, bụ Kéreshi l'ẹka ono. Ọo ya bụ; g'unu eshikwanụ nno nọdu akabaa amarweta iphemiphe, bụ iphe, bukotakpuo iphe-oma, gbaru anyi l'ememe k'ophu aa-nọdu akwabẹ Kéreshi ùbvù. ⁷ Sụ-a;

nwanna mu; obu ono, i yeru ndu-nso ono be bukwa iya be kakota eme g'ehu tsoo mu utso. O mekwarupho obu ka mu eshihu ike. O buru iphe, kparu iya nu bu l'oo n-yemobu ono, i yeru ndu ke Chileke ono meru obu ka phe eguzeta.

Polu arwo Fayilimonu ke ehu Onesimosu

⁸ Oo ya bu le-a; a makwaru-a l'o gbaru ge mu gege anoduje l'eka Kereshi pfugbuje g'onu ha mu; gude kaju ngu iphe, gbaru ngu l'ememe; ⁹ ole o nupho n-yemobu ono kpanurupho iphe, mu a-nodunupho arwochia ngu arworwo. O kwa mbedua, bu Polu, buwaa nwoke ogerenya bya abukwarupho onye noru Kereshi mkporo nta-a be l'arwo ngu nu obu. ¹⁰ Arworwo ono, mu arwo ngu ono bukwa ke ehu nwa mu, bu Onesimosu; bu nwa mu nwuru nta-a, mu no mkporo-a. ¹¹ Le mbu be o shi buru ngu 'ogalemkpa nemadzu; obenu le nta-a be obawaru mu le ngu le mkpa.

¹² Nta-a be mu edufuakwa ya g'o lwaphuta azu l'ibe ngu. Yebdua ono bukpokwa onye du mu l'obu shingushingu kpo. ¹³ Mu shikwa rja le mu a-ha iya ge mu l'iya nodu l'eka-a k'ophu oo-nodu emeru mu iphe, i gege anodu emeru mu le mkporo-a, mu no; opfu le mu ezi ozi-oma Chileke-a. ¹⁴ Obenu l'o to dudu iphe, mu eme l'ebe abu le mu pfuadaru ngu iya; g'o to du g'o bu l'e guderu ngu egude i nodu eme iya. G'o buchiaru iphe, i turu obu ngu onyo eme.

¹⁵ Mu -jeshia epfufu; mu asu l'o gbdu g'agbafu, o gbafuru l'ibe ngu ke nwa teke ono bu ge gu l'iya emechaa buwaruro jasu. ¹⁶ A

makwaru-a l'ọ bu ohu; ọle ọ tọ buziękwa ohu nta-a; ọ kaakwa ohu mma. Nta-a bę ọ buwaa nwanna anyi, anyi yeru obu; kekeleke kę mbedua. Gubedua l'a-kakwa iya nų eye obu; eshinu ọ bu ohu ngu; bya abukwarupho onye yę Nnajiuphu tugbawaru buru nanu.

¹⁷ Mbụ-a; ọ -burupho l'i guru mu-a l'onye gu l'iya tukoru ejeru Kereshi ozi; nata iya okpobe anata g'i gege anata mu ome ọo mu byaru. ¹⁸ Ọ -buru l'o nweru iphe, du eji, o meru ngu; ọ -bu l'o nweru ugwo, o ji ngu; tuko iya bo mu. ¹⁹ Ọo mbedua l'a-pfu ngu iphe obu, o ji ngu ugwo iya obu. Ọ kwa mbedua, bu Polu bę gude ęka mu dee iphe-a l'ekwo. Mu te ejekwaru ngu ro epfuru l'i bu onye ugwo mu; mbu l'i ji mu ugwo ndzu ngu l'ophu. ²⁰ Sụ-a; nwanna mu; iphe, mu epfu opfu iya; jiko bu g'i yeru mu ęka-o; eshinu anyi tukoru buru ndu kweru kę Nnajiuphu; g'i meero g'obu guzeta mu; eshinu anyi lę Kereshi tukoru tugba buru nanu.

²¹ Iphe, mu gude mu nodu ederu ngu ekwo-ozia bukwa lę mu maru l'ii-meru mu-a iphe, mu suru g'i mee; mbu mee ya meru etsutsu iya ye iya. ²² Ọzo, mu e-pfufu-a bu g'i kwakoberu mu ęka mu a-nodu mę mu -bya. Lę mu arikwa lę Chileke e-mekwaru-a unu iphe ono, unu shihawaa pfutaru iya opfu iya ono; oo-mekwaa gę mu bya k'ophu anyi l'unu a-huma.

Ekele, Polu gude akpo-chi ozi-a ishi

²³ Epafurasu l'ekelekwu ngu ro-o. Mu l'iya bę tukokwaru nodu mkporo l'ęka-a l'opfu ęhu Kereshi Jizosu. ²⁴ Ephe nodu ekelekwu ngu pho;

mbu Maku yee Arisutakosu me Dimasu me Luku.
Ndu ono be mu l'ephe tukoru nodu l'eka-a ejeru
Chileke ozi.

²⁵ Ge Nnajiuphu anyi, bu Jizosu Kereshi
mejeru unu eze-iphe-oma. Nokwa g'õ du.

Bayiburu Izii
Izii: Bayiburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

c6885c7c-c550-5b8b-a4fe-4bd714af4f6d